

**Tadbirkorlikni rivojlantirish kompaniyasi AJ kichik va o'rta tadbirkorlik subyektlariga
kapitalga ulush kiritish moliyaviy yordamini taqdim etish yuzasidan 2025 yil uchun
doimiy ochiq tanlovni
E'LON QILADI**

Moliyalashtirish manbasi nomi:	Iqtisodiyot va moliya vazirligining ssuda mablag'lari hisobidan
E'lon turi:	Ochiq tanlov
E'lon qilingan sana:	2025-yil 07-may
Loyiha anketasini taqdim etish oxirgi sanasi:	2025-yil 31- dekabr
Loyiha anketasini yuborish uchun Email:	capitaledcom@gmail.com

I. Kapitalga ulush kiritish moliyaviy yordami:

Ushbu moliyaviy yordam O'zbekiston Respublikasi Prezidentining 2023 yil 10 noyabrdagi "Kichik va o'rta biznesni moliyaviy qo'llab-quvvatlash tizimini takomillashtirish chora-tadbirlari to'g'risida"gi PF-193-son Farmoni hamda Tadbirkorlikni rivojlantirish kompaniyasi aksiyadorlik jamiyati (keyingi o'rinlarda-Kompaniya) Kuzatuv kengashi tomonidan tasdiqlangan nizomga asosan Kompaniya tomonidan taqdim etiladi. Kapitalga ulush kiritish yordami - ishlab chiqarish, xizmat ko'rsatish hamda qishloq xo'jaligi mahsulotlarini saqlash, qayta ishlash va qadoqlash loyihalari bo'yicha ko'chmas mulk obyektlari, asbob-uskunalar va boshqa ko'rinishdagi aktivlar (bitim obyekti)ni sotib olish va uni loyiha tashabbuskoriga taqdim etish orqali uning ustav kapitaliga ulushdor bo'lib kirish hisoblanadi.

II. Moliyaviy yordam haqida ma'lumot:

Ushbu moliyaviy yordam ishlab chiqarish, xizmat ko'rsatish hamda qishloq xo'jaligi mahsulotlarini saqlash, qayta ishlash va qadoqlash tarmoqlari bo'yicha ko'chmas mulk, asbob-uskunalar va boshqa ko'rinishdagi aktivlarni sotib olib, ushbu mulklar bilan loyiha tashabbuskoriga ulushdor bo'lib kirishni ko'zda tutadi.

Moliyaviy yordam — loyiha qiymatining 70 foizi, biroq ustav kapitalining 50 foizigacha yoki:

- O'rta tadbirkorlik subyektlari bo'yicha 5 mlrd so'mdan ortiq bo'lmagan miqdorda;
- Yillik daromadi 6 mlrd so'mdan ortiq bo'lgan kichik tadbirkorlik subyektlari bo'yicha 3 mlrd so'mdan ortiq bo'lmagan miqdorda;

tashabbuskorning ustav kapitaliga mulk obyektlari, asbob-uskunalar va boshqa ko'rinishdagi aktivlar shaklida ulushdor bo'lib kirish sharti asosida taqdim etiladi.

Murojaat sanasida o'n besh nafar kishini doimiy ish bilan ta'minlagan o'rta tadbirkorlik subyektiga hamda kichik tadbirkorlik subyektiga ham kichik tadbirkorlik subyektiga mansub korxonalarga taqdim etiladigan shartlar doirasida taqdim etiladi.

Moliyaviy yordam milliy valyutada ajratiladi. Moliyaviy yordam 7 yilgacha taqdim etiladi.

Moliyaviy yordamdan foydalanganlik uchun vositachilik haqi – moliyaviy yordam summasining 1,0 foizi miqdorida belgilanadi.

Sotib olinayotgan obyekt ko'chmas mulk bo'lsa, u holda mustaqil baholovchi hisoboti, agar uskuna bo'lsa akkreditatsiyadan o'tgan ekspertiza tashkilotining narx bo'yicha ekspertiza xulosasi taqdim etiladi.

Kompaniya shakllantirgan ulushi doirasida foydadan dividend oladi. Loyiha tashabbuskori tomonidan to'lovlar to'liq amalga oshirilgunga qadar Kompaniyaning dastlab kiritgan ulushi doirasida ishtirokchiligi (ta'sischiligi) va dividend olish xuquqi saqlanadi.

III. Loyiha tashabbuskorlariga qo'yiladigan talablar:

- yomon kredit tarixiga ega bo'lmasligi, kredit tarixi "Kredit-axborot tahliliy markazi" kredit byurosi ma'lumotnomasi bo'yicha C (o'rta) va undan yuqori reytingga ega bo'lishi, so'nggi 12 oy ichida bir va undan ortiq marta 90 kundan ortiq muddati o'tgan qarzdorligi mavjud bo'lmasligi;
- 2-son kartoteka va budjet oldida muddati o'tgan qarzdorliklari mavjud bo'lmasligi;
- kredit va unga tenglashtirilgan operatsiyalar bo'yicha muddati o'tgan qarzdorliklari mavjud bo'lmasligi;
- tugatish jarayonida va bankrotlik ishi qo'zg'atilmagan bo'lishi hamda korxona zarar bilan faoliyat yuritayotgan bo'lmasligi;
- loyihada tashabbuskor kamida 30 foiz o'z ulush bilan ishtirok etishi;
- yillik daromadi o'rta tadbirkorlik subyektlari uchun kamida 10 mlrd so'm va kichik tadbirkorlik subyektlari uchun kamida 6 mlrd so'm bo'lishi lozim;
- kreditga layoqatlilik darajasi uchinchi sinf va undan past hamda noliqvid balansga ega bo'lmasligi lozim.
- o'n ikki oydan ortiq faoliyat yuritayotgan hamda murojaat sanasida o'n besh nafar kishini doimiy ish bilan ta'minlagan kichik yoki o'rta tadbirkorlik subyektiga mansub bo'lishi lozim.

IV. Loyiha tashabbuskorining anketalarini baholanishi:

Loyiha anketasi tasdiqlangan kichik yoki o'rta tadbirkorga xabar yuboriladi va ulardan loyiha arizasi, biznes-rejalari hamda boshqa hujjatlarni taqdim etishlari so'raladi.

Amaldagi qonunchilik va ko'rsatmalarga muvofiq barcha talab etiladigan arizalar, hujjatlar va ma'lumotlarni quyida ko'rsatilgan mezonlarga ko'ra baholash uchun tanlab oladi.

Loyiha bo'yicha yillik ishlab chiqarish rentabelligi (sof foyda/ sotilgan mahsulot (ish, xizmat)larning ishlab chiqarish tannarxi) ko'rsatkichi 10 foizdan kam bo'lmasligi lozim.

Oldingi davrda loyiha bo'yicha shakllangan taqsimlanmagan zarar, kelgusi davr xarajatlari, kechiktirilgan xarajatlari va boshqa xarajatlar aniq ko'rsatilishi lozim.

V. Ustuvorlik beriladigan loyihalar:

yangi ish o'rinlarini yaratish soni;
ishchi xodimlarning mehnatiga haq to'lash miqdorlari nisbatan yuqoriligi;
qo'shimcha qiymat yaratilishining yuqoriligi;
yashil va energiya tejovchi texnologiyalarni joriy etish nazarda tutilgan loyihalarga ustunlik beriladi.

VI. Quyidagi loyihalar moliyalashtirilmaydi:

Qimorxona va billiardxonalar, alkogol va tamaki mahsulotlari ishlab chiqarish va (yoki) ular savdosini tashkil etish;

Ilgari olingan kredit (lizing)larni yoki boshqa har qanday qarzni qaytarish;

Lizing va sug'urta kompaniyalari faoliyatini tashkil etish;

Savdo, umumiy ovqatlanish hamda alohida tashkil etiladigan avtomobillarga yonilg'i quyish shohobchalari faoliyatini tashkil etish va amalga oshirish (bundan savdo va servis, yo'l bo'yi infratuzilma obyektlari, jumladan kompleks tarkibida avtomobillarga yonilg'i quyish hamda savdo shoxobchalari faoliyatini tashkil etish, "yashil" texnologiyalarni, jumladan elektromobillarni quvvatlantirish faoliyatini tashkil etish mustasno);

Yengil va ilgari foydalanishda bo'lgan yuk avtotransport vositalari sotib olish (chet eldan olib kelinadigan yuk avtotransport vositalari bundan mustasno);

Qishloq xo'jaligi yo'nalishida amalga oshiriladigan loyihalar (bundan qishloq xo'jaligi mahsulotlarini saqlash, qayta ishlash va qadoqlash loyihalari mustasno).

Yuqoridagi moliyaviy yordamdan foydalanish istagida bo'lgan tadbirkorlik subyektlari 2025 yil davomida ilovadagi Anketa ma'lumotlarini capitaledcom@gmail.com pochta manziliga taqdim etishlari mumkin.

Qo'shimcha ma'lumotlar uchun telefon raqami [+99871-205-57-57](tel:+99871-205-57-57)